



歐鉢羅室書畫過目攷目錄卷四

潞河李玉葵昀瓠編輯

張廷濟

陳希濂

宋湘

陳詩庭

吳榮光

吳鼐

湯金釗

趙學轍

盛愷大

盛大士

陸學欽

吳嵩梁

顧阜

陳嵩慶

陳鴻壽

謝蘭生

程巖

梁章鉅

顧莼

黃培芳

沈起鰲

高墀

馮金伯

是蕙

趙之琛

馮承輝

有光

朱本

朱璉

朱鶴年

閔貞

黃鶴

尤蔭

惲樸

董洵

沈宗燾

吳東發

徐渭仁

歐鉢羅室書畫過目攷

卷四

目錄

一

黃均

朱文新

朱英

朱齡

朱沆

孫源湘

徐松

孫爾準

彭邦嘯

朱為弼

王功後

姚元之

何凌漢

紹基紹業  
紹祺紹京

屠倬

吳慈鶴

沈可均

畢星海

顧純熙

周士乾

沈容

王溥

汪寶崧

寶榮

齊彥槐

張岳崧

郭尙先

張深

孫均

俞岳

廖雲樑

鍾仁

李福

沈榮

瞿樹本

樹辰

吳秉權

楊旭

張瑩

關炳

陳均

文錦

程恩澤

林則徐

伍長華

祁雋藻

湯貽汾

綬名祿  
名祿名

張鈞

楊天璧

張澹

沙神芝

葉恆

汪鏞

趙颯

張朝桂

文鼎

吳允楷

陳壘

毛樹棠

余文植

陳經

費丹旭

以耕

李育

鄧傳密

金應仁

倪耘

張舒

倪鳴時

夏之鼎

陳湖

汪鴻

楊振

張祥河

茂辰

趙光

許乃普

乃穀

厲志

蔣寶齡

苗生

蔡載福

沈焯

瞿應紹

李溶

戴鑑

沈嘉林

錢冰

吳咨

傲

黃鞠

程庭鷺

祖慶  
葉道芬

顧升

李紱麀

翁廣平

維

蔣子檢

張維屏

黃樂之

歐鉢羅室書畫過目文

卷四目錄

二

翟云升

周爾墉

劉廷杰

王玉璋

王壽康

凌霞

景梁會

吳賢

錢松

司馬鍾

張穆

戴熙

張士保

招子庸

光岐

姚燮

田祥

錢聚朝

楊能格

曾國藩

平翰

胡震

程恭壽

卓樛

黃增祿

江清驥

潘會瑩

畢道遠

顏炳

顧超

周棠

秦炳文

胡遠

汪廷儒

汪昉

華翼綸

吳熙載

吳廷康

焦春

覺羅盪

劉德六

王素

金元

沈振麟

晉康

包棟



歐鉢羅室書畫過目攷卷四

潞河李玉棻昀瓠編輯

張廷濟字叔未一字說舟號竹田又號海岳庵門下弟子浙江嘉興人嘉慶戊午解元工書兼篆隸精攷證金石晚年寫梅有古趣著清儀閣集袁子文上舍藏有摹鐘鼎字小幀張仰山處士藏有墨梅立幀行書五絕二首名款七字王朵園觀察藏有臨米詩大幀書於道光庚子年七十三歲款署覺生先生

陳希濂字秉衡號澱水浙江錢唐人嘉慶戊午舉人工隸書花卉精鑑賞所收尺牘甚富黃易極推之景劍泉閣學藏有四行隸書大幀又墨花卉立幀骨秀神清白陽遺則

宋湘字煥襄號芷灣一號蓬之廣東嘉應人嘉慶己未翰林官湖

歐鉢羅室書畫過目攷

卷四

北樞道書由二王泛濫各家陶峻厓農部藏有臨唐宋各家屏六幀何伯瑜處士藏有臨蕙花帖大幀頗得楊式疑三昧

陳詩庭字晝生號妙士江蘇嘉定人嘉慶己未進士授知縣不就山水宗婁江著讀書劄起深柳居詩文集張子祥畫史藏有仿耕煙吾谷觀楓圖小卷筆雅色妍恰合虞山妙諦

吳榮光字伯榮號荷屋廣東南海人嘉慶己未翰林官湖南巡撫書由率更而詣眉山畫宗仲圭精鑑金石著吾學錄綠伽楠館諸集古肆見有墨筆仿梅道人大幀筆意雄獷惜款識挖損真殺畫劄子手也許仁山閣學藏有小楷便面直逼論晉齋又設色山水便面亦極清健又設色花卉便面得南田妙意余藏有行書蘇詩長卷自嶺南旋留別巨紳溫憇圍觀察矣

吳薰字及之一字山尊號抑庵又號南禺山樵晚號達園安徽全椒人嘉慶己未翰林官侍講學士工書畫駢體文著夕葵書屋集心泉上人藏有臨米詩札冊饒有逸致王采園觀察藏有設色歲朝圖士女大幀筆意雅秀惜絹本薰污矣

湯金釗字敦甫浙江蕭山人嘉慶己未翰林官大學士諡文端書法魯公兼承旨晚帶隸意著寸心知室詩文稿余家藏有行書殘紙大屏四幀又繼述堂匾額字幾二尺筆意豐勁舉重若輕皆先祖松巖公款又臨松雪梅花詩並蘭亭十三跋朝鮮皆賤冊書於道光己丑冬日秀潤沉穩而有丰神蓋公書似以中年臨褚趙者爲佳耳

趙學轍字季由號蓉湖江蘇陽湖人嘉慶己未進士官浙江湖州甌鉢羅室書畫通目卷四

二

知府書法顏米趙董諸家偶寫蘭兼工篆隸瑛蘭坡中丞藏有行書墨蘭便面冊二葉文人之筆均悟上乘

盛愷大字甫山號南墅江蘇陽湖人嘉慶己未召試舉人官甘肅慶陽知府工山水與盛大士時稱二盛卓芝民離尹藏其祖海帆相國款設色山水卷肆力倪黃筆意近漸師連緒齋上公藏有墨山水大幀專仿子久尤覺鏗鏘古法古肆見有與張深合作山水冊八葉各宗一家似合王宸妙諦每葉各署款識

盛大士字子履號蘭移一號逸雲江蘇鎮洋人嘉慶庚申舉人官山陽教諭著蘊憐閣詩文集溪山卧遊錄嵩嶺山司寇藏有墨山水屏四幀皆力追宋元余藏有設色山水大幀先叔祖宜園公款古肆見有設色袁浦餞春圖大卷直造漁山之室

陸學欽字敦書號子若一號蘊真江蘇鎮洋人嘉慶庚申舉人與  
盛大士同邑同學同科而同貢盛名書法蘇米畫宗奉常兼寫  
梅著蘊真小草余家藏有墨山水長幀先叔祖宜園公款

吳嵩梁字子山號蘭雪一號蓮花博士梅影中書江西東鄉人嘉  
慶庚申舉人官貴州黔西知州書法蘇米詩名冠當代著香蘇  
山館全集陳同叔比部藏有行書錄舊作五律詩冊十四葉王  
竹吾司馬藏有行書印牋立幀款署理堂九兄

顧臯字晴芬江蘇金匱人嘉慶辛酉狀元官戶部侍郎工蘭竹精  
小楷程容伯光祿藏有墨蘭石立幀余家藏有 先祖松巖公  
墨蘭竹石絹屏四幀蒼楚有致乃文人餘技耳

陳嵩慶字復庵號荔峰兆崙族子嘉慶辛酉翰林官吏部侍郎工  
甌鉢羅室書畫通目攷

卷四

三

書陳葆珊觀察藏有小行書詩冊近華亭意

陳鴻壽字子恭號曼生一號種榆道人浙江錢唐人嘉慶辛酉拔  
貢生官江蘇海防同知工篆隸鐫刻兼人物山水花木著棗連  
理館集印種榆仙館詩會宰宜興製砂壺爲時大彬儲大炳後  
絕技古肆見有設色寫意大畫冊純取高逸末葉王學浩跋張  
仰山處士藏有墨竹大幀作於袁浦舟中聽雨墨濃筆繁益見  
瀟灑許紫原水部藏有行書直幀楚調自歌不謬風雅許仲弢  
廉訪藏有兩行隸書屏六幀筆意高古書味盎然曼生之於篆  
隸師古而不泥於古自爲創格宜其歷久而愈重之

謝蘭生字佩士號豐浦廣東南海人嘉慶壬戌翰林書法大令陳  
詩庭孝廉藏有沈石田畫卷有其行楷題五律四首

程鸞字梧桐山西太原人工花鳥楊少初太守藏有設色花鳥大  
屏十二幀工力深穩兼資少遜又見有絹本設色花鳥大冊筆  
意近張雪鴻

梁章鉅字茝林號茝鄰晚號退庵福建長樂人嘉慶壬戌翰林官  
江蘇巡撫書兼歐董工詩著藤花館詩鈔二思堂叢書樞垣  
記略林心甫明府藏有小行楷詩冊十葉筆意勁秀

顧繩字希翰一字吳羹號南雅又號息廬江蘇長洲人嘉慶壬戌  
翰林官通政司副使書法褚虞精小楷工寫梅著南雅詩鈔顧  
緝庭觀察藏有紅梅直幀左右邊隙皆近時吳人題詠余家藏  
有墨梅大幀行楷七律二首 先祖松巖公款

黃培芳字子實號香石晚稱粵嶽先生廣東香山人嘉慶甲子副  
甌鉢羅筆畫書畫目 卷四 四

貢生官教諭書法右軍山水宗王孟端著嶺海樓十種何伯瑜  
處士藏有墨山水直幀頗深點苔法

沈起鯨字子魚號瘦生浙江海鹽人官江蘇縣丞工山水梁章鉅  
雅器之所歷之境每倩其繪圖紀勝著亦吾盧吟草孫小山分  
轉藏有設色山水大幀兼大癡房山筆意深穩

高塏字爽泉浙江錢唐入嘉慶 舉人書學褚登善精摹論晉  
齋阮元刊刻積古諸書多出其寫陳鶴舟明府藏有臨雁塏聖  
教序冊余藏有行書便面款署宮保蕉園

馮金伯字冶堂號南岑江蘇南漣人官勾容訓導喜書畫著墨香  
居畫識兩種頗資鑑賞攷核余藏有行楷便面法率更而兼華  
亭子是蕙字棉莊秉庭訓工寫花鳥以俟過目

趙之琛字獻甫號次問浙江錢唐人陳鍾豫弟子工山水樹石篆隸鑄刻著補羅迦室印存與陸飛丁敬黃易蔣仁陳鴻壽屠倬陳鍾豫目爲杭州八逸張仰山處士藏有設色秋林晚眺圖小卷似錢磬室潘鄭庵尙書藏有摹盤鼎銘二十器文字冊趙之謙跋從子懿初名祖仁字懿子號穀庵同出陳氏之門寫梅有金石氣趙硯孫中翰藏有摹周簠銘長幀不遜世父作也

馮承輝字承伯號少眉江蘇婁縣人歲貢生工篆刻人物花卉晚年寫梅號梅花畫隱余外舅張溫 and 公極推服之著古鐵齋詞鈔印譜印學管見歷朝印識兩漢碑跋琢玉小志櫻風草堂詩稿韓角邑比部藏有七行篆書大幀張子和比部藏有墨梅大卷溫 and 公題識弟有光字星仲貢生畫梅師冬心夫頰皆以鑑

甌鉢羅室書畫通目攷

卷四

五

賞娛情張子和比部藏有紅綠梅花絹本卷偏強孤高幾抗冬心行書七絕二首識語三行亦頗古雅

朱本字概夫號素人江蘇江都人工山水人物花鳥心泉上人藏有仿王晉卿設色山水大幀細密清刻無甜熟氣家西園主人藏有設色絹本大屏如華若蹲豹麥隴文禽桐陰獵犬之屬款署摹古十二幀古雲老弟余藏有進爵圖士女立幀均臻古法朱璉字若賢號石齋江蘇江都人工花鳥人物周蒼生太史藏有涉江采芙蓉士女大幀余藏有楓樹松鼠大幀俱近新羅

朱鶴年字莖雲江蘇江都人工指墨人物山水余藏有踏雪尋梅圖士女立幀用筆勁峭余外舅張溫 and 公藏有指作醉八仙圖大橫幅長丈許溫 and 公自題七古一篇詩載集中

閔貞字正齋江西南昌人有閔孝子稱工白描潑墨人物山水花  
木鳥獸兼長指法余家藏有潑墨耄耋圖立幀增芝田觀察藏  
有指寫壽者相大幀

黃鶴字石屏江蘇丹徒人王文治妹夫花鳥與潘恭壽絕相似陳  
研香農部藏有仿楊龍友蘭影圖立幀時款三行

尤蔭字貢父號水邨又號半灣詩老江蘇儀徵人工山水竹蘭客  
禮親王幕授世子汲修主人指法家藏東坡石鈔因廣寫石鈔  
圖著黃石羣雅集馬仲午明府藏有石鈔圖立幀並錄蘇詩於  
上許醴泉齋尹藏有設色寫五月江深草閣寒詩立幀意近石  
田增芝田觀察藏有設色山水橫冊十葉雅似高翔

惲標字樞亭格族孫畫有宗風張聽庵觀察藏有荷花金魚大卷  
甌羅室畫畫目攷

卷四

六

頗饒秀麗觀察名樹葵卷尾楷書自題七古一篇

董洵字企泉號念巢一號小池浙江山陰人官四川寶邑主簿工  
篆刻山水竹蘭著印香書屋印說小池詩鈔宗遂樓副憲藏有  
墨竹蘭屏四幀氣韻雄奇寫以篆法增芝田觀察藏有墨山水  
立幀似梅道人所謂以簡勝繁

沈宗騫字熙遠一字芥舟號硯灣老圃浙江烏程人書法二王山  
水人物皆得古法著芥舟學畫編會笙巢侍御藏有設色仿燕  
文貴山店早春圖絹本卷古肆見有二喬觀書圖立幀

吳東發字侃叔號芸廬浙江海鹽人錢大昕弟子歲貢生工山水  
著商周文拾遺耘廬詩鈔瑛蘭坡中丞藏有墨山水便面款署  
仿方壺長卷一角極蘊藉高雅亦文人妙作也

徐渭仁字文臺號紫珊晚號隋軒江蘇上海人工篆隸行楷精鑑定周鐵珊太史藏有臨香光書杜詩大卷直逼陳玉方

黃均字穀原號香疇又號墨華居士江蘇元和人官湖北施南同知書法香光畫仿倪黃著墨華庵稿韓芸孫署正藏有仿思翁墨山水絹本大幀心泉上人藏有臨宋元各家山水小冊墨筆設色各半極臻蒼逸譚頌甫刺史藏有設色山水絹本立幀款署梅癡家西園主人藏有仿耕煙楓林晚棹圖卷頗得清麗之妙吳子復太守藏有設色仿一峰山水紙本長卷楷書長題又摹承旨青綠山水立幀尤覺秀色可餐景劍泉閣學藏有仿倪迂設色春林山影圖大幀筆意略近思翁姜穎生孝廉藏有設色仿大癡紙本大幀款署子酌蓋穎生尊行也家芝咳太守藏

甌鉢羅室書畫通目

卷四

七

有青綠仿趙榮祿松陰高士圖紙本長幀款署魯山古肆見有仿董文敏紅樹秋山圖絹本直幀允爲嘉道間畫家宗工而四王吳惲之學賴以不墜曠亭環山而後合讓斯人矣

朱文新字滌齋鶴年兄工士女摹唐六如兼山水花卉與素人莖雲並號三朱卓友蓮太守藏有採桑士女立幀

朱英初名欒字宣初號韻華館道士朱珪孫官

知府工

花鳥篆隸余家藏有集錦壽屏有其百齡圖一幀范雲初參軍藏有五色菊花長卷備極香豔朱厚田茂才藏有夕陽山色圖立幀荒率處近新羅

朱齡字菊垞號黃華道人江蘇上元人花鳥宗青藤山水法石濤人物近六如余藏有芙蓉鷺鸕大幀儼似一幅新羅也

朱沆字浣芳號達夫順天大興人官兩淮運判工花木士女與朱本朱璉朱鶴年朱英時號五朱卓友蓮太守藏其祖海帆相國款梧桐屋宇士女大橫幅布置精雅用筆古勁自然富貴風韻卓信庵司馬藏有竹石士女立幀頗得神薄天寒之意卓芝民嗟尹藏有蕉欄士女立幀一洗鉛華弱態款署鶴溪

孫源湘字子瀟一字長眞號心青自號姑射仙人侍者江蘇昭文人嘉慶乙丑榜眼館選後假歸工行楷隸善墨梅花卉著天真閣集瑛蘭坡中丞藏有墨梅便面自成逸品

徐松字星伯順天大興人嘉慶乙丑傳臚官鴻臚寺少卿工書精地理史學著西域水道記新疆識略唐兩京城坊攷西域傳補註余藏有行書詩冊純具書味款署伯雨

甌鉢羅室書畫譜攷

卷四

八

孫爾準字平叔江蘇金匱人嘉慶乙丑翰林官浙閩總督晉伯爵諡文靖書法吳興精鑑藏攷證余家藏有小行書詩冊先叔祖梅坡公款白鎔題跋又行書牋紙尺牘冊十通八葉

彭邦疇字錫九號春農江西南昌人嘉慶乙丑翰林官禮部侍郎書宗趙董陳同叔比部藏有小行楷冊十六葉筆秀墨腴

朱爲弼字右甫號椒堂浙江平湖人嘉慶乙丑翰林官倉場侍郎通六書嗜金石工花木擅古篆著椒聲館詩文集程容伯光祿藏有墨牡丹梅花立幀余家藏有集錦壽屏有其墨筆柏石設色菊花二幀又摹鐘鼎銘字大幀先祖松巖公款

王功後字弗矜號復齋山東高密人工山水李梅卿比部藏有設色山水大卷得荒率趣法之司獄藏有墨山水直幀

姚元之字伯昂號焉青一號竹葉亭生晚號五不翁安徽桐城人  
嘉慶乙丑翰林官左都御史書法承旨隸宗禮器碑花鳥師白  
陽著使瀋草小紅鵝館集周允臣農部藏有設色花鳥大屏八  
幀縱逸超邁天趣橫生余家藏有集錦壽屏有其松菊延齡圖  
一幀邵伯英太史藏有行草分隸摹鐘鼎文字屏八幀

何凌漢字雲門號仙查湖南道州人嘉慶乙丑探花官工部尚書  
諡文安書法華亭余家藏有先叔祖梅坡公款行書大屏四幀  
子紹基字子貞晚號蟻叟又號東洲居士道光丙申翰林官洗  
馬書法平原兼篆隸偶寫竹蘭著隸攷東洲草堂詩瞿鹿田水  
部藏其尊人子臯太守寸楷摹表銘融化平原恩力交至余曾  
代爲裝冊姜穎生孝廉藏有行書寬屏四幀時款戊午大雪翰  
歐鉢羅室書畫過目彙

卷四

九

臣同年張詞甫刺史藏有小行書錄舊作橫幅孫松門上舍藏  
有墨蘭立幀隸書湘影二字行書題款三行紹業字子毅廕生  
官兵部員外郎紹祺字子敬 舉人紹京字子愚 舉人  
官湖北道員均見有行楷屏冊皆宗魯公紹京晚兼華亭時稱  
何氏四傑程容伯光祿藏有四公小楷界朱絲絹屏四幀  
屠倬字孟昭號琴塢一號潛園浙江錢唐人嘉慶戊辰進士官江  
西九江知府畫宗房山兼篆隸著是程堂詩集曾笙巢侍御藏  
有墨山水卷含蓄蘊藉真逸格也余藏有設色仿北苑雲山立  
幀包涵衆有元氣渾淪古肆見有隸書七行大幀款署尺魚  
吳慈鶴字雲巢江蘇吳縣人嘉慶己巳翰林官祭酒工書古肆見  
有小行書五七律詩冊極有多致款署鈐庵

沈可均字師衡號半桐晚號竹林村學究浙江嘉興人才長學博嗜古工隸宗韓蔡史梁諸家泛濫於唐碑著唐隸辨慈海上人藏有隸書觀自在橫額字徑一尺款署半桐二字有可均印章惜已薰污紙本剝落

畢星海字崑園述宏孫麋貢生工隸書爲浙西作手學者多奉爲圭臬唐遂舫上舍藏有臨孔宙碑三行立幀用筆斬截乃漢隸之秘鑰

顧純熙字湘筠江蘇吳縣人祖大坤女夫工花卉翎毛家富收藏臨摹有法晚年參學甌香氣韻靜穆古肆見有設色花鳥紙本冊純仿王忘庵爲蒼老濃重一派款署三行畫付文公子吮芳者也下有吮芳藏印

甌鉢羅室書畫通目攷

卷四

十

周士乾字松泉浙江錢唐人陳鴻壽郭麐屠倬皆雅重之工山水古肆見有墨筆山水便面多用焦墨乾皴極似奚阿行書題五絕亦瘦硬可喜款署雲伯蓋爲陳文述畫也

沈容字春蘿浙江錢唐人廩貢生陳文述幕客工山水花卉古肆見有設色菊花墨竹便面雋逸峭勁深得新羅妙諦

王溥字雲泉江蘇太倉人王宸弟子官四川大竹典史山水得家法畫境蒼莽多師梅道人書法蘇米兼工分隸古肆見有墨山水絹本大卷款署擬大癡用墨法

汪寶祕字友竹江蘇吳縣人富收藏工山水花卉晚精文竹古肆見有墨筆瓜蔓立幀雅近新羅弟寶榮字鐵蕉善人物又見有設色採菊東籬下立幀力埤凡俗雅合古法皆款署秋坻

齊彥槐字夢樹號梅麓一號菴書溪漁安徽婺源人嘉慶己巳翰  
林官湖南巡撫書法香光精鑑藏余家藏有行書屏四幀先叔  
祖梅坡公款錄畫禪室隨筆

張岳崧字翰山號子駿廣東安定人嘉慶己巳探花官湖南布政  
使書法歐虞當時碑版多其手書著筠心草堂集范小亭刺史  
藏有臨獅子贊大幀古肆見有行楷尺牘兩冊四十餘通

郭尙先字蘭石福建莆田人嘉慶己巳翰林官工部侍郎工書畫  
著堅芳館題跋白簡侯少司馬藏有墨蘭屏四幀爲其祖小山  
尙書款余家藏有先叔祖梅坡公款行楷屏四幀辛蘊山處士  
藏有小楷冊十六葉僅鈐印章許彭壽跋云乃蘭石中年書館  
閣得此無不決勝又云林少穆梁蔭林皆閩人三君書絕相似

願鉢羅筆畫過目攷

卷四

十一

張深字叔淵號茶農一號浪客又號悔昨學人張釜子嘉慶庚午  
解元官廣東大浦知縣書得家傳兼仿耕煙譚警齋農部藏有  
臨宋元山水小冊意極妍雅頗得古法曾筮巢侍御藏有其尊  
人賓谷中丞款墨筆仿華亭山水大幀神似黃均

孫均字古雲爾準孫襲伯爵官散秩大臣工花卉富收藏余藏有  
梨花蝴蝶便面活色生香款署蕉園

俞岳字少甫江蘇震澤人諸生王學浩弟子增芝田觀察藏有設  
色松陰高士圖大幀極爲蒼潤

廖雲槎字裴舟江蘇青浦人洪範幕客工寫蘭石改琦極推許之  
張子和比部藏有墨筆蘭影圖絹本立幀筆意韶秀風致嫻娟  
改琦行書七絕一首名款一行

鍾仁字壽民浙江石門人工小楷學晉人山水極高有元人氣息  
瑛蘭坡中丞藏有小楷節書佛遺教經便面

李福字備五號子仙江蘇吳縣人嘉慶庚午舉人書法河南極臻  
圓勁余藏有臨快雪堂小楷九歌界烏絲絹本小卷款屬雲巖  
沈榮字石薌號甌史又號耦梅居士四海顛生江蘇元和人工寫  
生士女花鳥改琦以牡丹沈郎稱之後自厭每作墨筆瘦石枯  
枝著飲水讀書齋詩古肆見有設色鸚鵡楓樹紙本大幀款署  
覺生略近新羅筆意

瞿樹本字根之工書精篆刻弟樹辰字心漚善畫中溶子古肆見  
有昆季便面二葉一樹本行書七律二首一樹辰寫墨菊石皆  
款署立之

歐鉢羅書畫過目攷

卷四

七

吳秉權字經可號小亭吳修子紹父業兼工篆隸余家藏有篆書  
界方朱絲絹本大橫幅無款識有印章二方

楊旭字曉村號適廬江蘇昭文人工花鳥改琦推許之其寫生不  
用粉本精鑑賞收藏著虛白軒稿古肆見有淡著色叢菊直幀  
題識似南田惜絹本不完

張瑩字懷白號長生江蘇江陰人工人物寫真取法老蓮鹿公林  
則徐推許之古肆見有寫東坡承天寺夜遊圖直幀兩人作步  
月狀能使觀者意氣都消又摹潘湘雲小影直幀設淡色極有  
神趣蓋一家所藏者也

關炳字午亭江蘇華亭人官雲南大理知府董誥弟子山水法婁  
東余家藏有集錦壽屏有其畫青綠山水一幀意近耕煙

陳均原名大均字受笙浙江海甯人嘉慶庚午舉人工詩畫篆刻嗜古精鑑法式善十六畫人歌均冠其首著松籟閣集羅訂庭太守藏有墨山水大卷款署壬辰秋莫仿司農溪山深趣圖意余藏有設色喬松壽石圖山水直幀款署槎客尊丈八句華誕子文錦字仙裳官四川潼川經歷工花卉棄官鬻畫陳靖皆孝廉藏有設色杜鵑花立幀生辣似懊道人

程恩澤字春海號雲芬安徽歙縣人嘉慶辛未翰林官戶部侍郎

工書著國策地名考余家藏有 先祖松巖公款行書大屏四

幀法米董具書譜意又臨香光書演連珠冊用側鋒極勁秀

林則徐字少穆號戩邨福建侯官人嘉慶辛未翰林官兩江總督

諡文忠書法率更兼華亭家西園主人藏有小行楷金粟牋冊

歐鉢羅書畫目攷

卷四

七

作海澱寓廬應希晉齋主人教余家藏有行楷四行絹牋大屏

四幀通靈道勁巧力兼盡先叔祖梅坡公款

伍長華字雲卿江蘇上元人嘉慶甲戌探花官直隸按察使工行

楷花卉李伯香上舍藏有墨花卉冊極雅秀相傳其昆季中多

工書畫未獲觀焉

祁雋藻字叔穎一字實甫號春浦晚號觀齋山西壽陽人嘉慶甲

戌翰林官大學士諡文端書法誠懸參以魯直藏書甲山右著

饒毓亨詩集張子和明府藏有和溫和公雪浪盆詩小行書卷

申旭庭比部藏有四色牋楷書格言屏四幀款署夫子蓋公爲

申文恪公啟賢所得士也余家藏有臨十七帖大幀先伯問樵

公款古肆見有臨二王三帖冊款署咸豐紀元春日

湯貽汾字若儀號雨生晚號粥翁江蘇武進人以世襲官浙江樂清協副將殉壬子粵匪難諡貞愍工山水蔬果墨梅著畫梅樓詩琴隱園集家西園主人藏有墨山水卷高曠疏爽款署粒民太守又墨梅金牋大幀題識意寓悼亡張叔憲戎部藏有設色蔬果小冊乃暮年筆余藏有平林遠岫圖立幀以乾潔筆仿倪迂子綬名字壽民承襲守備工花卉林名字右民工蔬果均見有立幀祿名字樂民兼寫山水花鳥更工士女宜春宇少司農藏有士女大冊家西園主人藏有芭蕉士女立幀古肆見有設色花鳥絹屏四幀又拈蘭箭半身士女立幀均合古法

張鈞字季韶號石甫江蘇吳江人改琦弟子傳其法兼師南田陳鶴舟明府藏有采菊士女立幀

甌鉢羅室畫過目攷

卷四

古

楊天璧字宿亭號繡廷晚號繡道人江蘇上元人工山水精鑑定程仲立太守藏有設色山水長卷近耕煙王少廬司馬藏有設色山水卷摹司農法款署箬汀增芝田觀察藏有墨山水大幀題五律一首時款道光廿三年歲次癸卯云云

張澹字新之號春水江蘇吳江人湯貽汾幕客工山水詩詞著風雨茅屋詩文集陳鶴舟明府藏有設色山水便面仿沈石田工細筆增芝田觀察藏有青綠山水立幀極勁秀淡冶

沙神芝字笠甫浙江嘉興人工行草篆隸嗜金石老而彌篤古肆見有臨書譜立幀極有停頓

葉恆字巨峰號東海間農浙江平湖人工山水在麓臺石谷之間陳夕颯刺史藏有設色春景山水便面近石谷用筆略平

汪鏞字笠甫江蘇華亭人改琦女夫花卉人物得其傳晚年專工山水宗思翁張子和明府藏有墨花卉冊有玉壺之風

趙颯初名蕃字蘭舟浙江蘭溪人湯貽汾幕客工人物山水花卉湯有酬世之作多其手代以其筆意相似唐笛舫上舍藏有墨山水立幀仿大癡用墨蒼潤款署粒民太守

張朝桂字問秋江蘇寶山人湯貽汾幕客工梅菊擅古文著養拙居集題畫跋陳鶴舟明府藏有菊石便面設色淡逸

文鼎字學匡號後山浙江秀水人畫宗文氏精鑑藏涂芷蘅明府藏有青綠山水便面亦待詔派也

吳允楷一名楷字辛生江蘇吳縣人翟繼昌弟子傳其法書法南田陳夕帆刺史藏有設色水仙墨石便面與琴峰作如一手

甌鉢羅室書畫過目表

卷四

五

陳樽字仲尊號葦汀一號白隄花隱江蘇長洲人翟繼昌弟子工山水潛心學古余藏有設色山水屏四幀一江南春色一竹深荷淨一寒林圖一林泉清集各摹一家時款癸卯仲冬

毛樹棠字芾村河南武陟人嘉慶丁丑翰林官倉場侍郎工書王蓮西通副藏有臨醴泉銘全文冊

余文植字樹人號侶梅江蘇吳縣人詩畫有奇氣金農後未易多覲山水人物花卉出筆古拙善鑑藏嗜金石潘鄭盦大司空藏有設色秋葵竹石立幀直接冬心楊蕓題七絕一首識語二行

陳經字抱之浙江烏程人阮元弟子家藏尊彝泉印磚瓦甚富工隸書精攷證著求古齋金石圖說崇伯春太守藏有隸書短屏四幀有古趣跋識一行頗自矜許謂得力於嗜古也

費丹旭字子荅號曉樓晚號偶翁又號環溪生浙江烏程人庠生  
工士女推改琦後繼起著依舊草堂詩趙小魯明府藏有臨玉  
壺半身士女屏四幀並摹原題周蒼生太史藏有漢苑秋風圖  
士女大幀張子祥畫史藏有酴醾春去圖士女立幀幾與玉壺  
莫辨又見有摹杜麗娘小影立幀子以耕字餘伯世其業兼花  
鳥程仲立太守藏有梅花士女橫幅又見有杏花白燕立幀  
李育字梅生江蘇江都人工山水花鳥余藏有設色花鳥屏四幀  
筆意妍雅款署竹素又設色九思圖絹本大幀款署潤楚陳冠  
生殿撰藏有山水人物花木竹石合冊十六葉皆精  
鄧傳密字守之號少白石如子篆隸得家傳景劍泉閣學藏有五  
行篆書大幀筆意沉穩堪與乃翁並傳不朽

甌鉢羅室畫譜

卷四

六

金應仁字子山號雁宕草衣俊明族孫朱昂之弟子畫宗宋元自  
立門逕張子祥畫史藏有仿唐六如設色松陰高士圖卷頗具  
高致鈕韻笙太史藏有通景青綠山水絹屏六幀  
倪耘字芥孫號小圃浙江石門人方薰甥寫真出家傳何子璋明  
府藏有設色花卉便面亦甌香派耳

張舒字懷鷗號醉鷗一號醉甌江蘇元和人工花卉以穠湛勝供  
奉 內廷三十年余家藏有五色菊花大幀工麗過於雅秀病  
在不師古也

倪鳴時字硯農號于桐江蘇嘉定人工花鳥寫生山水人物士女  
亦秀雅可觀張子和此部藏有設色花鳥冊閒逸華妙在包山  
少古之間亦能手也

夏之鼎字禹庭號荳谷江蘇吳縣人工花卉禽魚書法亦極超妙  
潘伯寅大司空藏有設色花鳥屏四幀

陳潮字東之江蘇興化人工篆書陳研香農部藏有四行篆書屏  
四幀用筆斬截非描畫者比也

汪鴻字延年號小迂安徽休寧人陳鴻壽幕客工花鳥兼新羅南  
田法秀出時流善鐫刻錢杜政琦郭慶皆雅譽之江小雲觀察  
藏有設色花卉便面冊四葉淡逸閒冷有薄而不薄之妙陳鶴  
舟明府藏有蘆雁立幀行書七絕一首

楊振原名振甲字蕉隱江蘇陽湖人工書翰偶作繪事屠倬雅重  
之著蕉林易編樂攷畫原瀟湘別館詩文稿碧霞仙館詞續書  
譜以補孫過庭論所未及家西園主人藏有小行楷東都西都

歐羅室書畫過目攷

卷四

七

二賦冊秀勁近褚登善

張祥河字元卿號詩舫一號鶴在又號法華山人張照從孫董誥  
弟子玉棊之外舅也嘉慶庚辰進士官工部尙書諡溫和書變  
家法花木得改琦傳後宗青藤白陽山水師待詔龔筆工詩古  
文 仁廟六旬萬壽進庚辰萬紀圖詩畫冊特蒙 宸賞

著小重山房詩文集宜春字少司農藏有墨山水冊祝琴舫比  
部藏有行書兩行屏四幀公文孫湛如水部藏有行書詩冊余  
藏有摹天瓶墨梅大幀又先叔少白公款墨山水便面題云吾  
吳文沈兩家本一鼻孔出氣或岐視之未識此中三昧耳子茂  
辰字良哉號小舫廕生官刑部主事畫出家傳惜未竟業早卒  
介弟詞甫藏有設色山水小冊用筆空靈淡逸

趙光字仲明號蓉舫晚號退齋雲南昆明人嘉慶庚辰翰林官刑部尚書諡文恪書法魯公會於其家雲生上舍出觀公臨筆坐位十三通合卷余家藏有行書五行大屏四幀先伯問樵公款又行楷詩牋橫幅次韻賀張溫和公 賜朝馬紀恩七律詩四首爲室人駢蘭閣嫁箱物也

許乃普字溟生浙江錢唐人嘉慶庚辰榜眼官吏部尚書諡文恪書宗二王時與祁雋藻陳孚恩趙光爲四書家著堪喜齋集公喆嗣仲弢廉訪藏有所臨小楷冊仙姿逸致工摹二王公文孫樸齋太守以所臨行穰帖瞻近帖小卷見贈兄乃穀字玉年號玉子道光辛巳舉人官甘肅燉煌知縣山水摹虞山著廿四畫品古肆見有設色秋山黃葉圖立幀筆意疏秀吳嵩梁小楷題

甌鉢羅書畫過目攷

卷四

七

七絕二首惜絹本霉污

厲志字駭谷浙江定海人廩貢生工書畫著白華山人詩鈔王金珊農部藏有行書五行短屏四幀意近待詔略兼襄陽

蔣寶齡字有筠號霞竹江蘇昭文人工山水分隸湯貽汾弟子傳其法精鑑賞著墨林今話張蓮生司馬藏有墨筆仿梅道人山水卷意致深遠神味靜逸款署雲伯明府湯貽汾題七絕三首曾許見贈遂往湘南未償此諾子莖生字仲離號子延山水得父教更工花卉克承先志續刻墨林今話趙瑤齋銓部藏有設色花木立幀余藏有仿文五峰設色古院春深圖便面

蔡載福字鹿賓號寅伯浙江石門人花卉極冷逸姿好古富收藏張蓮生司馬藏有設色花卉冊亦頗娟妙

沈焯原名雒字竹賓江蘇吳江人工山水花卉曾館於石門蔡氏  
縱觀所藏名蹟其業益進陳鶴舟明府藏有墨山水設色花卉  
便面各一古肆見有設色梅屋讀書圖立幀略似石田細筆

瞿應紹字子冶又字瞿甫號月壺晚號老冶江蘇上海人官浙江  
玉環同知書畫皆學惲南田精篆隸善製砂壺多楊彭年造壺  
柄印彭年圖章著月壺草張子和明府藏有畫石冊葉有題識  
李潛字白樓山東濟甯人廩生詩畫得外祖黃易傳張溫和公幕  
客曾爲公作有懷四十圖大冊筆墨鬆秀有小松遺則張詞甫  
刺史藏有墨山水冊空濛淡雅頗擅白描弟子戴鑑字石坪號  
賦軒同邑人工山水著潑墨軒詩詞鈔李梅卿比部藏有設色  
山水大幀姜穎生孝廉藏有墨山水紙本小冊八葉

歐鉢羅書畫百卷

卷四

九

沈嘉林字篠雲浙江歸安人善書畫精鑑別蓄古硯甚夥多其自  
製何伯瑜處士藏有墨筆樹石紙本立幀頗領會於元人蓋以  
才氣致勝也

錢冰字玉壺安徽居巢人生有畫癖工山水章若洲庶常藏有墨  
山水小卷得煙老法題識近思翁意

吳咨字聖俞江蘇武進人趙學轍甥工篆隸鐫刻弟倣字子脊亦  
擅其業古肆皆見有篆隸屏幀

黃鞠字秋士號菊癡江蘇華亭人工花卉士女兼長篆刻著湘華  
館集周蓍生太史藏有藁生女士小影寬幀略著赭墨隨意鈞  
成自然絕俗程庭鷺題滿江紅一闕藁生爲某公造室本出青  
樓解韻語寫花草有林下風

程庭鷺字序伯號蘅蕪一號翳庵江蘇嘉定人廩生工山水篆刻  
著練水畫徵錄以恬養智齋集家西園主人藏有墨筆六橋煙  
雨圖紙本卷筆意似長蘅書款近石田張子和比部藏有紙本  
仿宋元山水冊設色墨筆各半每葉拈詩二句並仿款陳夕騶  
刺史藏有設色仿趙文度山水立幀並書南峰紀遊舊作行楷  
十六行王竹吾中翰藏有仿梅道人墨筆便面子祖慶字稚蘅  
亦工畫未見所作弟子葉道芬字君蘭號香士一號眾香居士  
吳縣人官直隸州判傳其法書宗魯公朱少松明府藏有臨爭  
坐位卷譚芸史署正藏有設色仿元人逸景屏四幀  
顧升字海蘋浙江平湖人工山水余家藏有墨筆仿思翁山水立  
幀亦秀色可餐但純用水墨似亦憾事

甌鉢羅筆畫過百

卷四

三

李紱慶字桐圃直隸天津人工花卉以牡丹得名時稱李牡丹與  
李育稱南北李古肆見有五色牡丹大屏六幀雖饒妍麗其秀  
雅則遜於育焉

翁廣平字梅邨江蘇震澤人道光元年舉制科山水師婁東工篆  
隸陳鶴舟明府藏有設色山水便面子雒字穆仲號小海一號  
小梅工花鳥草蟲心泉上人藏有設色花鳥短屏四幀許禮泉  
嗟尹藏有花卉蟲魚絹本冊極臻物趣

蔣予檢字矩亭河南睢州人道光壬午舉人官江西景德同知工  
寫蘭宗鄭所南書法米襄陽翁小山廉訪藏其尊公藥房中丞  
款墨蘭大屏四幀賈湛田方伯藏有墨蘭石大橫幅吳子復太  
守藏有墨蘭大冊十六葉各葉長題亦近時畫蘭專家也

張維屏字子樹號南山晚號松心子珠海老漁廣東番禺人道光壬午進士官江西南康知府書法褚河南擅詩詞精攷核著聽松廬文鈔詩話潘蓮舫光祿藏有小行楷詩詞冊純具書味黃樂之字愛廬廣東順德人道光壬午進士官吏部主事工花卉余家藏有集錦壽屏有其設色牡丹一幀黃秋史比部藏有水墨花卉冊筆意高雅洵士林畫也

翟云升字文泉山東掖縣人桂馥弟子道光壬午進士官國子監助教工隸書著五經歲編齋集李梅卿比部藏有臨禮器碑大橫幅字約徑尺時款甲申秋日心泉上人藏有界朱絲隸書大幀全以魄力致勝也

周爾墉字容齋升桓從孫以所子道光乙酉舉人官戶部郎中書  
甌鉢室書畫過目錄 卷四 三

法虞褚落筆不苟尤工楷書爲道咸間作手余藏有行楷臨各家字冊中有節臨枯樹賦字方半黍許尤具丰神俞畊齋明府藏有小楷絹本界朱絲小屏臨歐褚顏趙四幀款署仁山

劉廷杰字叔偉號雲椒錫馭從孫道光戊子舉人高尚不仕肆力山水師梅道人書法褚登善著雲椒題畫記與余家數世交而兼姻婭又與世父同科所藏其書畫甚夥余最賞心者有仿仲圭墨山水大幀盡雄獷之致行書七絕一首先伯雲溪公款

王玉璋字鶴舟號松巢外史晚號厂隱山人直隸滄州人官廣東雷州知府山水師司農時有王廉州後復雷州之譽與戴熙稱北王南戴著凍雲館詩余家藏有法淺絳大幀先伯問樵公款時在戊午家西園主人藏有設色山水大冊十葉專尙蒼厚

王壽康字保之號二如自號還獨老人江蘇上海人工書善臨古  
蹟晚年神似劉文清許仲弢廉訪藏有小楷秋聲賦界烏絲冊  
極停頓秀潤

凌震字子與一字塵遺號病鶴浙江湖州人忠介公裔孫工畫梅  
著天隱堂稿張子和北部藏有墨梅直幀無煙火氣行書七絕  
一首

景梁曾字秋田號梅東老人浙江錢唐入花卉學憚余藏有設色  
海燕蟠桃絹本大幀家芝咳太守藏有設色荷花大幀書款亦  
憚法也

吳賢一名炎字竹香浙江錢唐入顧洛女夫畫出其門後遊江南  
遍訪師友以琢磨年甫三十餘遽卒陳夕帆刺史藏有設色花  
甌鉢羅室書畫遺目卷四

烏便面似新羅略工緻行書七絕一首

錢松字叔蓋號耐青浙江仁和人工篆古肆見有篆書五行大幀  
司馬鍾字子英號秀谷一號繡谷又號繡鵠別號紫金山樵江蘇  
上元人官直隸河工州判工山水人物花鳥以蒼勁變格楊少  
初太守藏有設色花鳥蔬果蟲魚大冊百葉精神會聚靡有雷  
同家西園主人藏有設色山水冊八葉雖署各摹一家仍係本  
色卓岷原比部藏有壽海颿相國明良喜起圖大幀時款辛丑  
心泉上人藏有墨鈞瘦馬立幀款署潤堃侍郎余藏有松鷹便  
面乃世父所遺款署君子之秉正嫉邪如鷹鷂之逐雀寫爲雲  
門七弟異日期之時乙卯秋七月既望又有海棠翠羽立幀款  
署道光壬辰春日擬漢陽太守意正中年佳作無悻霸習也

張穆字誦風號石舟又號石洲山西平定人道光辛卯優貢生用知縣未就與邢鶴藻宿藻何紹基紹業友善書法山谷著書慕古著石舟遺集楊少初太守藏有小行楷詩卷極古穆趣

戴熙字醇士號榆庵一號鹿牀純淡松屏又號井東居士浙江錢唐人道光壬辰翰林官刑部侍郎侍直南齋山水花木屢邀

宸賞引疾歸里殉庚申郡難諡文節著習苦齋集家西園主人藏有設色山水大冊又設色山水長卷何紹基題鹿牀仙品於卷首繫七絕時款於後又墨山水立幀題云耕煙得廉州之筆漁山得廉州之墨異曲同工未易軒輊偶仿廉州漫題又設色山水大幀題云種樹種松柏結交須君子松柏耐歲寒君子有終始又墨筆仿香光大幀行書七絕一首先伯問樵公款又

甌鉢羅書畫譜

卷四

三

墨梧桐竹石直幀宜春字少司農藏有墨山水冊古肆見有設色山水直冊十葉款署朗亭又庾嶺探梅圖卷視學粵東輜車旋時畫何伯瑜處士藏有設色西樵品硯圖絹本小卷何紹基跋九行余藏有設色山水冊純趨高逸不落時習每葉鈐印章款署咸豐丁巳春日楷書一行裝成月題行書一葉山水以變格爲難文節妙能自悟一乘豈獨以人重哉

張士保字鞠如山東掖縣人道光壬辰副貢生官臨朐教諭山水花鳥人物宗老蓮李梅卿比部藏有擬古人物絹本大屏六幀筆意古雅老蓮一派賴以不墜王芷庭太史藏有仿麓臺師梅道人淺絳山水紙本長幀張仰山處士藏有寒林煨芋圖立幀

又摹鐘鼎銘字立幀

招子庸字銘山廣東南海人道光

舉人官山東濰縣知縣工

竹蘭幾步板橋後塵許樸齋太守藏其祖滇生太宰款墨竹大  
屏八幀極筆意瀟灑張樵楚少司農藏有仿王宸墨山水冊對  
幅摹原題並自記時款道光癸卯敘齋其筆墨與蓬老無異子  
光岐字小銘官

克紹家學兼工畫懈温棣華學士藏

有墨竹蘭石屏四幀亦板橋派也

姚燮字復莊一字梅伯號楚橋一號大梅山民江蘇鎮洋人道光

甲午舉人工花草人物晚年寫梅著疏影樓詞詞律勘誤精音  
律著褖紅衫梅沁雪傳奇余家藏有墨梅丈屏四幀至暮年力  
求雄壯遂掩清氣耳

田祥字吉生號古蓀又號鵝鼻山樵浙江山陰人道光甲午舉人

甌鉢羅室書畫道旨攷

卷四

五

官江西德化知縣工花鳥竹蘭余藏有墨竹絹本大屏四幀溼  
潤之氣流溢絹素古肆見有設色花卉大冊四十葉有嫩逸氣  
錢聚朝字曉庭錢載曾孫道光乙未舉人畫有宗風孫小山分轉  
藏有設色花卉小冊筆意宏暢

楊能格字簡侯號玉堂種竹生漢軍正紅旗人道光丙申翰林官  
江甯布政使工書初法右軍晚兼魯公連緒齋上公藏有行楷  
大屏八幀爲客西陲時書惜暮年過求剛勁也

曾國藩字滌生號伯涵湖南湘鄉人道光戊戌翰林官大學士封

毅勇侯 晉太傅諡文正書法山谷吳澧緣太守藏其先人和

甫少宰款界朱絲屏四幀行書和韻卽懷七律詩四首譚警齋

農部藏有小行書尺牘八通於草率中而具遒勁姿

平翰字樾峰浙江山陰人官貴州遵義知府書法褚登善刻來青閣帖著黔輶吟王蓮西通副藏有行楷牋屏四幀有秀勁姿胡震字不恐號鼻山浙江富陽人工篆隸鐫刻駢蘭閣藏有篆書屏四幀亦頗古穆

程恭壽字容伯晚號人海隱君浙江錢唐人道光己亥舉人官光祿寺少卿書法顏柳歐董著坐春風館筆記先伯贈太僕壯烈公專祠碑兩通顏法書 國史館傳柳法書 御賜祭文原本裝成冊江棻生水部藏有小行書格言大幀意近梁山舟崇伯鴻員外藏有小行書界朱絲屏四幀又其文孫育齋太守藏有寸楷千文冊坊中有木刻板頗益幼學摹影也

卓樑字雲木號鶴溪四川華陽人秉恬子道光庚子翰林官吏部  
甌鉢羅室書畫過目攷 卷四 壹

侍郎書法河南兼襄陽晚逼劉文清余家與其三世交復爲姻姪所藏其書甚夥有堂兄海秋款牋紙屏四幀一臨褚登善一臨米南宮一臨劉文清一臨陳玉方最佳弟椿字春木號岷原一號蓮心居士司馬鍾弟子廕生官刑部員外郎工花鳥妍秀出藍戊子夏秋時與論畫詞旨精確贈以所畫大屏四幀如獬鼠貓兔之屬力求新穎不作尋常景物亦近時可傳之作

黃增祿字穀卿號子芾江蘇吳江人道光庚子舉人工小楷畫筆幽秀王蓮西通副藏有蠅頭楷便面墨筆林亭幽逸圖便面

江清驥字小雲號頤園浙江錢唐人道光庚子舉人官江蘇常鎮道工篆隸行草 家君七十歲壽屏出其隸書余藏有臨書譜

屏四幀又篆書五行立幀

潘曾瑩字申甫號星齋奕傳孫世恩子道光辛丑翰林官吏部侍郎山水花卉最宜小幅心泉上人藏有仿玉几山人墨筆菊石小橫幅張溫和公題七絕一首以余見稱遂爲贈趙撫叔明府藏有仿冬心設色西番蓮小幀亦覺別致

畢道遠字東河山東淄川人道光辛丑翰林官工部尙書書法襄陽余藏有行楷立屏

顏炳字朗如號少文江蘇華亭人王學浩弟子張溫和公幕客凡酬世作多其代筆張子和明府藏有淺絳終南山館圖卷溫和公題七古於尾余藏有設色山水冊款署丁酉中秋仿宋元各家十二幀侍香仁丈弟子顧超字子超號雲樵同邑人官甘肅階州知州左宗棠雅愛之余藏有仿梅道人墨山水立幀曾侍

甌鉢羅筆書畫目攷

卷四

美

硯溫 and 公第中授室人駢蘭閣讀並教寫花卉室人張氏名茂莪字心葵一字純泖號墨琴一號駢蘭閣主人籠知鈎染奈時作時輟迄無有成每相與於鑑賞愈覺執筆之難也

周棠字召伯一字少白號蘭西浙江山陰人官光祿寺署正山水花木師白陽青藤心泉上人藏有花木大屏八幀寫龍爪槐石內各景如古井寒藤城頭秋色之屬頗得高逸之趣晚年畫石日得數幅筆無含蓄朝鮮人朝京師者每乞其畫歸

秦炳文字誼亭號硯雲江蘇無錫人道光癸卯舉人官戶部主事工山水沈廬青農部藏有仿淺絳山水大幀余家藏有設色仿耕煙飼鶴山館圖直幀先叔少白公款古肆見有設色仿耕煙山水卷頗見清麗駢蘭閣藏有仿文五峰青綠山水大幀

胡遠字公壽以字行號瘦鶴又號橫雲山民江蘇華亭人山水花  
木宗白陽工詩翰著寄鶴軒詩陳詩庭孝廉藏有設色花木墨  
筆山水大冊十六葉時款庚戌夏月正中年日臻佳妙所作  
汪廷儒字醇卿江蘇儀徵人道光甲辰翰林授編修書畫皆宗思  
翁潘紱庭京卿藏有墨山水小冊八葉嫩逸可人而長幀巨幅  
恐非所宜也

汪昉字叔明號執民江蘇陽湖人道光甲辰舉人官山東布庫大  
使工山水精鑑賞增芝田觀察藏有仿梅道人墨山水大幀蒼  
厚淋漓爲近時能手

華翼綸字遂秋江蘇金匱人道光甲辰舉人畫師司農余家藏有  
仿北苑墨筆大幀元氣渾淪運筆如飛先伯問樵公款心泉上  
甌鉢蘊書畫過目致

卷四

毛

人藏有仿淺絳卷爲中年寓宣南松筠庵時作

吳熙載原名廷颺字讓之號晚學居士江蘇儀徵人包世臣弟子  
工花卉篆隸鐫刻景劍泉閣學藏有三行篆書屏四幀設色花  
卉屏四幀陳夕帆刺史藏有設色花卉便面寫紅蓼花疏水國  
秋句又臨書譜便面乃一扇面背皆款署仲陶

吳廷康字贊府一字康甫號元生又號晉齋晚號茹芝安徽桐城  
人工篆隸鐫刻輯慕陶軒古軼錄景劍泉閣學藏有三行篆書  
屏四幀又傳其晚年寫梅得金石氣惜未見焉

焦春字仲梅江蘇甘泉人工寫照尤精布景兼擅青綠宮體山水  
江小雲觀察藏有琵琶出塞圖大卷王素畫昭君人從焦春寫  
駝馬林巒同仿兩峰款署庚戌春日雨生先生各書名款

覺羅崇恩字仰之號啟鈴一號雨舫滿洲正紅旗人廩貢生官山東巡撫書法坡公著香南居士集心泉上人藏有臨春帖詞卷劉德六字子和江蘇吳江人工花鳥古肆見有設色花鳥立幀款署紅梨花館秋風乍起對花寫照亦閒居樂事蔣蒞生補寫嫩篠一窠題七絕一首王禮寫飛雀一雙左角下款一行

王素字小梅江蘇江都人王人物花木江茶生水部藏有設色端陽景人物花果屏四幀丁叔衡太史藏有士女立幀款署稽首慈雲大士前寫小青詩句魯齋先生古肆見有寫意秘戲圖生紙小冊奇闢生新情景入理皆桑間濮上之意葉有題識

金元字問漁浙江山陰人官廣東海陽縣丞工花鳥何伯瑜處士藏有設色花鳥小冊筆意妍雅近朱素人

歐鉢羅室書畫過目攷

卷四

天

沈振麟字鳳池江蘇吳縣人工寫照兼寫生供奉 內廷 賜奉

宸院卿銜食二品俸余藏有奉 勅畫馬便面二葉有

宣廟御題三字一曰飛霞驄一曰翔玉驄鈐有道光御用方璽古肆見有百鶴圖大冊五十葉每葉籤書各名畫繪物之妙

晉康姓戴佳氏字安舟號少谷一號蔗存滿洲正黃旗人慧成子道光庚戌翰林官左庶子書摹磚塔銘著蔗存詩鈔鍾六英太僕藏有臨磚塔銘全文卷行書跋九行時款同治壬申仲春日

家君六十歲壽屏出其楷書

包棟字近三號子梁一號子良浙江山陰人工人物花木蘇浙詩牋多其手繪先伯問樵公時宦吳中得其人物畫幀甚夥家西園主人藏有設色寫意士女絹屏六幀筆意秀雅

王承楓字陞臣號丹麓直隸磁州人官河南內黃知縣工山水隸書宛大山明府藏有臨各家設色山水冊時款同治元年冬日王禮字秋言號秋道士江蘇吳江人花鳥兼白陽南田人物宗老蓮駢蘭閣嫁箱中有設色花鳥絹屏四幀綽有餘姿後之見者皆染劣習無足觀也

陳允升字仲升號紉齋又號壺舟一號金峩山樵浙江鄞縣人工山水刻紉齋畫牘涂鶴汀上舍藏有設色四時山水屏四幀略失荒率是爲衣食給者似難五日一石十日一水刻意求精耳吳雲字少甫號平齋晚號退樓又號愉庭浙江歸安人官江蘇道員好古精鑑書法平原著兩壘軒彝器圖釋詩文尺牘題跋潘偉如中丞曾以其書行楷橫幅寄贈謂其筆法深沉爲近時中甌鉢羅筆書過目效

卷四

无

必傳之書也

李鴻裔字眉生號香巖又號蘇鄰四川中江人咸豐辛亥舉人官江蘇按察使工書嗜碑版居吳中宋氏網師園有花木之勝文孫友鵬明府出觀所藏碑帖多存其行楷跋識

張熊字子祥號鴛湖外史浙江秀水人工山水花木年八十猶操筆不倦著銀藤花館題畫記庚辰夏日邂逅申江客邸時皓首龐眉論畫無倦以余言近時滬上寓公無不頓染劣習獨君力持古法不爲流俗所移庶畫學不墜似稱解語因贈舊作三香圖立幀色澤生活壽考之徵王少廬司馬藏有設色仿大癡立幀寫山靜似太古日長如小年句意極渾厚惜主山過大啟佑之別駕藏有設色花卉絹本屏四幀正中年日臻佳妙作也

張槃原名柞枝字小蓬晚號圓復道人直隸定興人官山東武定同知分隸花鳥得姚元之真傳白描博古有邊壽民遺意增芝田觀察藏有花木鳥獸絹屏六幘乃壽製也張仰山處士藏有摹北宋花鳥冊秀韻娟妙余藏有絹本仿院體萬年青一盆大幘濟瘦青茂才藏有仿各家山水花鳥竹石冊廿葉款署友吾朱熊字夢泉號吉甫浙江秀水人工花卉時與張子祥任渭長稱滬上三熊吳子復太守藏有設色花卉冊頗悟上乘弟傳字夢廬得其法余家藏有設色花木大屏四幘亦穠湛可觀

任熊字渭長浙江山陰人工人物花鳥王信甫比部藏有設色花卉冊饒妍雅趣弟薰字阜長曾於滬上青樓中見有摹北宋院體花鳥大屏八幘皆合古法族子頤字伯年涂芷蘅明府藏有甌鉢羅室畫書過目攷

卷四

三

畫顏魯公寫經圖大幘胡達長題款署承甫

趙之謙字撝叔號益甫又號梅庵浙江會稽人咸豐己未舉人官江西鄱陽知縣精鑑金石花木師陳道復篆隸師鄧完白著甫廬間詰梅庵集張詞甫刺史藏有設色花木絹屏四幘張仰山處士藏有隸書屏四幘余家藏有椿蔭毫臺圖立幘意近李鱗叔兄李村款余藏有設色菊籬絹本橫幅潘鄭盒尙書所贈王維珍字穎初一字席卿號蓮西一號蓮谿又號大井逸人直隸天津人咸豐庚申進士官通政司副使書法率更參以米董著蓮西詩賦集與余訂忘年交二十年討論書畫無間得其行楷屏幘冊卷甚夥家君五十歲壽屏出其楷書近聞詰嗣宋園觀察接求遺墨聲價日增幸故人之有子也

楊鐸字石卿河南商城人嗜金石工花卉景劍泉閣學藏有設色花鳥屏四幀有奇矯之氣爲其視學汴中所獲也

羅清字雪谷廣東番禺人性孤潔棄家遊歷工指法王丹林處士藏有墨竹屏四幀雨染煙烘發秀潤於指間雷樹軒處士藏有紅梅大橫幅有古豔古香之勢又見有萬竿煙雨大幀

李慶良字賡卿號友鶴又號蟻乃余之同堂兄同治丁卯舉人工花鳥肆力李復堂縱恣穠湛亦足卓然成家奈囿以中壽未竟所業著海棠巢題畫記其子姪多藏屏冊余僅存有設色花鳥大冊作於辛未秋日又吾鄉寶通禪林有其畫蘆雁水鳥大橫幅寬八尺長丈許間以柳樹荷蓼亦絕大神通也

鄭珊字雪湖號笠橋安徽懷甯人武生工山水年逾八十猶操筆

甌鉢羅室書畫過目攷

卷四

三

不倦張樵堃少司農藏有設色仿各家山水屏四幀筆意蒼厚略嫌禿重

胡義贊字石查河南光州人仁陔子同治癸酉舉人官浙江海防同知工山水篆刻吳子健中丞藏有墨山水絹本立幀畫意題識俱近黃穀原又見有設色仿司農小幀筆意秀潤家子皆太守藏有墨山水小卷得香光清淑氣時款丁酉年六十七歲小行書跋識十行張閔生廉訪藏有墨筆仿廉州便面亦頗勁秀



甌鉢羅室書畫過目攷附卷

潞河李玉棻雲屋編輯

道濟一名原濟字石濤號大滌子又號苦瓜和尚嗜尊者清湘陳人清湘遺人清湘老人勝國楚藩後人工山水竹蘭花木脫盡窠臼兼隸書王暈推爲第一作手余藏有設色畫張僧繇訪友圖長幀長丈許寬僅九寸樹色山光青紫絢爛而筆意奇矯風神灑落直前無古人後無來者行書長識末語云癸卯秋日客邗上吳山亭喜雨作畫是一快事不愧此紙數百年物舊藏吳門鄒氏鈐有藏印爲無上妙品餘見不具錄焉

正岳字豁堂號菽庵一號藕漁又號耦餘晚號南屏隱叟俗姓徐名繼思浙江仁和人感時爲僧主常熟三峰方丈工山水直接甌鉢羅室畫過目攷

附卷

一

踵於宋元諸家著同凡集阜蔭方尙書藏有設色山水大冊深得倪黃神韻蓋亦私淑奉常也

宏仁字漸江號梅花古衲安徽歙縣人俗姓江名韜字六奇勝國諸生山水師雲林新安畫家宗清閔蓋漸江導先路也江小雲觀察藏有設色山水大幀款署仿倪迂而筆繁墨焰兼具大癡蒼厚爲精絕之作心泉上人藏有墨山水長卷筆意會萃元季諸家非僅學雲林者也

通眞字超澄號月江又號語石江蘇青浦人俗姓羅祝髮圓津禪院山水宗巨然工詩曾於古肆見有墨山水大幀展軸則妄擬廉州審識之則山根隙中鈐有語石朱文印章無款識一時不能記憶俟攷悉聞歸馮展雲司寇矣失之交臂至今悵快

髡殘字白禿一字介邱號石溪一號蔓壤又號殘道者菴住行人  
江蘇武陵人俗姓劉住金陵牛首山工山水好寫奇闢奧景誠  
元人之勝概全從蒲團中得來題識多寓興亡之感余藏有設  
色山水長幀長丈許寬盈尺老筆槎枒氣韻雄秀而與所藏石  
濤畫恰成對幀款署爲袁居士畫末語云癸卯於梅閉關養靜  
一年作此不覺於芙蓉峰合掌所見其畫甚多此爲精絕

上睿字潯潯號目存又號蒲室子江蘇吳縣人山水得王暈指授  
花鳥得惲格眞傳著餘習吟宜春字少司農藏有設色山水大  
幀幾與虞山兩家相並古肆見有設色三友圖大幀極似石田  
達眞字簡庵江蘇婁縣人俗姓楊受度超果寺工花鳥王鴻緒以  
其畫進 呈 仁廟稱爲能品工詩沈揖甫比部藏有竹

甌鉢羅書畫過目攷

附卷

二

陰睡烏圖立幀清雅工麗無蔬筍氣習

寶源字三友號一泉又號梅花禪子江蘇青浦人張文敏公照構  
別業於橫雲山請其主之辛未 南巡 呈進梅花長卷

嘉其縱橫不拘矩矱工詩張蓮生司馬藏有墨梅立幀惜絹  
本剝落存此以備一家

明中字大恆號焚虛一號嘯崖浙江桐鄉人俗姓施主南屏淨慈  
寺山水得元人之氣韻 高廟南巡 三賜紫衣著焚虛

詩鈔江小雲觀察藏有墨山水小卷筆意高古得吳歷用墨法  
石莊號石頭和尚江蘇上元人祝髮於揚州桃花庵山水得古法  
喜結文字緣精鑑藏高懿伯鴛部藏有墨山水紙本立幀用筆

不多純以趣勝

眞覺字見心江蘇揚州人俗姓朱主文昌閣山水師錢叔寶江小  
雲觀察藏有仿李營邱山水立幀似沈石田別具會心

韻可字鐵舟號木石山人湖北武昌人主吳門李王廟工花卉竹  
蘭高華健爽迥出凡塵景劍泉閣學藏有設色花木大冊亦古  
亦豔葉有題識心泉上人藏有荷花大幀墨葉紅花愈濃愈雅  
寄塵字衡麓湖南湘鄉人工書畫時與韻可稱南北和尙譚警齋  
農部藏有墨花卉卷極縱橫之妙幾步懊道人後塵古肆見有  
臨二王帖三則短卷

相潤字琇琳號竹菴廣東南海人主海幢寺工詩畫著竹菴吟卷  
何伯瑜處士藏有墨山水卷博大渾成儼似石濤行草題識

達受字六舟號小綠天庵僧浙江海甯人主滄浪亭大雲庵工篆

隸鈔羅書畫過目攷

附卷

三

隸鐫刻精攷證時呼金石僧家西園主人藏有隸書屏四幀

明明字髡殘號石船江蘇上元人俗姓艾工花卉人物湯貽汾雅  
重之居不二庵卽龔半千半畝園故址也李伯香上舍藏有設  
色瓶梅小幀頗具逸趣

量雲字蓮衣湖北武昌人主杭州天竺方丈工隸書程容伯光祿  
藏有隸書屏四幀

甌鉢羅室書畫過目攷附卷

潞河李玉棻筠塢編輯

道家目錄

張風

伊大麓

黃明薰

趙蓮

樊鎮

甌鉢羅室書畫過目攷

附卷

目錄

四

樊鎮

張風

伊大麓

黃明薰

趙蓮

甌鉢羅室書畫過目攷

編者李玉棻筠塢

甌鉢羅室書畫過目攷附卷

歐鉢羅室書畫過目攷附卷

潞河李玉葵筠塢編輯

張風一名飄字大風江蘇上元人少棄諸生肆力山水款署真香  
佛空或署昇仙道士著雙鏡亭詩鈔心泉上人藏有墨山水立  
幀用焦墨略似梅道人草書題五絕一首款署昇仙二字朱文  
飄字印章古肆見有墨筆紙本寬幀寫水墨石壁近樹數株傍  
立一人拄杖作遠眺狀筆極超逸行書五絕一首時款二行  
伊大麓字壽先號雲峰蘇州圓妙觀道士王玖弟子工山水心泉  
上人藏有墨山水立幀蒼勁有致王少廬司馬藏有仿唐子畏  
臨各家山水冊款署末葉下角作於嘉慶元年

黃明薰字越塵廣東粵香山三元宮道士工山水精琴理黃秋史

歐鉢羅室書畫過目攷

附卷

五

比部藏有墨筆白雲春曉圖卷雅合古法

趙蓮字凌洲號玉井道人浙江海鹽人棲真觀道士工寫梅一時  
知名士皆樂與交遊古肆見有墨梅立幀不入時妝亦逸品也  
樊鎮俗名嗣曾字主實號竹師一號煮石山人順天通州人主白  
馬廟書法承旨工花果竹蘭精煉術年逾九十童顏鶴髮縱談  
無倦著來鶴山房詩集羣玉編余與其同里幼時尙親見之嘗  
以自選佳穎見貽書畫流傳甚夥雖曰變格殊少取法於古人  
願存其名字可耳余藏有花果博古大橫幅畫於道光庚戌秋  
日後余生之一歲也

歐鉢羅室書畫過目攷附卷

通州李玉棻耘芙編輯

名媛目錄

文俶 柳隱 顧眉 徐昭華

黃媛介 馬荃 徐燦 蔣叙

陳書 趙昭 吳正肅 陳結璘

毛秀慧 汪漣 金淑 楊端雲

鮑詩 吳藻 鍾若玉 曹秀貞

方婉儀 王玉燕 惲懷娥懷英 棟鄂夫入

吳申 錢琳 畢慧 顧韶

管筠 薩克達氏 董晚貞湯嘉名金佩芬 惲珠

歐鉢羅室書畫過目攷 附卷 目錄 六

程景鳳 蔣徽 王素雯 許淑慧

方若徽 岳筠 韓吉階 汪延慶

徐寶篆 金蕊 顧蕙 陸蕙

朱晚芳 黃韻生 錢璞 張玉

焦氏 鍾惠珠 項保艾 焦學漪

歐鉢羅室書畫過目攷附卷

通州李玉棻耘芙編輯

文俶字端容從簡女趙靈均室書畫得家法更工花鳥接武徐黃爲國朝閨秀之冠李星甫署正藏有紫藤金魚絹本小卷尾有閩秀潘素心梁德繩等跋瑛蘭坡中丞藏有沒骨海棠白燕便面古肆見有設色秋花三種絹本長幀極風致嬋娟之妙柳隱字如是號影憐一號靡蕪金陵院中人本姓楊名因又名是工白描花卉博攷羣籍歸錢宗伯謙益稱河東君宗伯卒隱殉家難著西山唱和集家西園主人藏有墨筆鳳仙花紙本小幀雅逸絕倫脫化其跡

顧肩字橫波號眉生一號眉莊又號智珠江蘇上元人龔鼎孳適歐鉢羅室書畫過目攷附卷

七

室竹蘭追馬守貞工山水通文史精音律著柳花閣詩集張樵楚少司農藏有墨竹蘭石紙本立幀款署一行宗伯題識兩行袁于令分書題七絕一首

徐昭華字伊璧號蘭癡浙江上虞人駱嘉采室毛奇齡女弟子書畫宗管仲姬著徐都講詩附刻西河集張子和明府藏有臨十三行便面筆意清挺有洗紅軒藏印

黃媛介字皆令浙江秀水人楊士功室山水宗仲圭書法右軍著離詞湖上草景劍泉閣學藏有綠文竹赭石小幀毫無動人處恐非眞蹟耳

馬荃字江香元馭女龔克和室親承家法一花一葉人爭寶之周經伯參軍藏有設色花卉絹本長卷亦摹徐黃妙手也

徐粲字湘蘋一字明深號紫管江蘇吳縣人陳之遴室工花草土  
女擅詩文著拙政園集潘星齋少宰藏有硃菊絹本小幀筆意  
蒼楚而有士氣閨秀中無其匹

蔣俶字又文廷錫女王敬室寫生秉庭訓余家藏有設色毫畫圖  
絹本立幀無款識有又文朱文印章

陳書字 號上元弟子一號南樓老人浙江秀水人錢綸光室

陳羣母封太夫人工花鳥蟲魚山水屢邀 宸鑑褒題錢氏

多畫手皆出其門曾筆巢侍御藏有蛛網落花紙本小卷梁同  
書題跋又有秋柳飛鳥紙本立幀生動欲活古肆見有五色鳳

仙花絹本立幀有 高廟題識七行又淡著色楓樹雙鳥

荆棘立石絹本小幀行楷題識時款三行

甌鉢羅室書畫目攷

附卷

八

趙昭字惠文號子惠文俶女馬班室工花卉竹蘭後入空門字德  
隱結庵西湖香林匿影二十年著侶雲居稿德香亭筆政藏有  
竹蘭紙本小冊八葉郭尙先孫均跋識爲入空門後作也

吳正肅字靜嫻江蘇江都人黃履岳室山水師沈周一洗纖弱之  
態王子實農部藏有仿吳仲圭墨山水紙本立幀饒實力量

陳結璘字寶月江蘇常熟人瞿伯申室山水宗宋元工詩章若洲  
庶常藏有摹各家山水紙本小冊筆意鬆秀儼爲名作

毛秀慧字山輝江蘇太倉人王愔室夫嬾娛情畫理同此素心瑛  
蘭坡中丞藏有墨筆細皴山水便面雅潔可觀有黃小松觀印

陳冠生殿撰藏有設色仿梅道人枯木竹石紙本立幀王愔書

款鈐有山輝印章

汪漣字文水號文道人浙江仁和人華岳女弟子錢機室工山水花鳥得新羅之秘旨江小雲觀察藏有山水紙本小卷設色古  
慎南樓後所僅見者

金淑字慎兒號純一浙江嘉善人沈錫章室家富收藏臨摹克肖  
著得樹樓集曾筮巢侍御藏有設色萱花墨竹紙本小幀專摹  
漢陽太守本頗得神似紙質細膩古色古香尤足珍襲之

楊端雲字麗卿號靜娥江蘇吳縣人汪昂姬工書畫有印癖能詩  
精篆刻得昂指授瑛蘭坡中丞藏有篆書九行便面

鮑詩字令暉浙江平湖人張雲錦室花卉宗白陽著舞鶴堂吾亦  
愛吾廬詩鈔古肆見有設色天中麗景圖紙本小幀

吳藻字蘋香號玉岑子浙江錢唐人精繪事工詞翰飲酒讀離騷  
甌鉢羅室書畫過目夜

附卷

九

蓋抱天壤王郎之恨著花影簾詞家西園主人藏有女史集錦  
冊內附小楷借酒券一紙款署玉岑子名印一方

鍾若玉字文貞號元圃江蘇崑山人周官室寫梅師金農書法右  
軍文宗韓柳張聽庵觀察藏有墨梅紙本長卷行書題七古一  
篇洗盡閨房兒女情緒筆下具有金石氣耳

曹秀貞字墨琴安徽休甯人曹銳女王芑孫室工寫梅書法率更  
著寫梅軒詩鈔家西園主人藏有墨梅橫冊八葉王芑孫楷書  
題識二葉又於古肆見有楷書古文鈔本王芑孫行書批抹

方婉儀字儀子號白蓮居士安徽歙縣人羅聘室工梅菊得荒寒  
意著白蓮半格詩學陸集景劍泉閣學藏有墨菊紙本立幀羅

聘補竹石洪範張埴趙懷玉題識

王玉燕字玳梁文治女孫書有祖風工梅蘭水仙瑛蘭坡中丞藏  
有墨筆梅花水仙便面頗有逸趣夢樓題五絕於左

惲懷娥字紉蘭壽平曾孫女曹恆室花卉精雅妹懷英號蘭陵女  
史呂光亨室花卉韶秀同秉家法古肆見有合作設色歲朝圖  
絹本立幀娥小楷書款一行英題小楷五絕一首

棟鄂夫人字如亭滿洲正白旗人鐵保室行草宗二王擅古文瑛  
蘭坡中丞藏有草書紙本短屏四幀如錐畫沙功深力敵眞鬚  
眉氣也又墨竹便面筆意剛勁殊少餘姿非所擅長者

吳申字蕙姬安徽歙縣人錢東室工花卉著雙梧小草許仲弢廉  
訪藏有設色夾竹桃立幀綽約可人玉魚生題一翦梅一闕

錢琳字玉林同邑汪瑚室從兄東學花卉從兄杜爲山水均楚楚  
甌鉢羅筆書過目哉

附卷

十

有致集閨秀於西湖寶石山莊爲畫會陳葆珊觀察藏有兄妹  
合作設色歲寒三友圖紙本直幀錢東書款四行琳杜各鈐印  
章兩方足稱三妙

畢慧字智珠號蓮汀畢沅女陳覲光室工詩畫著遠香閣詩草張  
子和比部藏有設色菊花小幀有南田之風焉

顧韶字螺峰顧洛女吳賢室花卉士女得家傳周蒼生太史藏有  
垂釣士女紙本立幀岸前桃柳有明媚姿古肆見有洛神便面  
亦白描妙手陳昔凡刺史藏有用硬色花卉便面妍雅可人

管筠字湘玉號靜初浙江錢唐人陳文述蓬室性悅禪工寫佛著  
小鷗波館集張仰山處士藏有大士像紙本立幀陳鴻壽敬記

畫氏歲月小行楷四行

薩克達氏字介文號觀生閣主人滿洲正白旗人英和室瑛寶女  
弟子得其指法工詩古文宜春宇少司農藏有遷喬圖立幀款  
署蓮波觀察陳詩庭孝廉藏有山水花木禽魚大冊英和瑛寶  
各題識古肆見有落花蝴蝶作團飛立幀栩栩然有仙致又設  
色富貴平安圖大幀英和題九行張問陶陳用光各題七絕

董晚貞字蓉湖號雙湖同邑湯貽汾室工寫梅家西園主人藏有  
墨梅紙本小幀貞愍公題浪淘沙一闕女湯嘉名字碧生王玉  
璋子媳詩詞秉父教花草得母傳余藏有菊花小幀設色淡雅  
有大家風格媳金佩芬字芷香浙江錢唐人湯櫛名室工白描  
士女古肆見有散花天女便面

惲珠字珍浦江蘇武進人惲格後裔滿洲延璐室麟慶母工詩畫  
甌鉢羅室書畫過堂

附卷

十一

著紅香館詩集蘭閨寶錄孫小山分轉藏有墨桃花紙本小幀  
時款三行筆意雅潔

程景鳳字侶仙同邑彭蘊燦造室刺繡於春暉樓見家藏名蹟描  
寫輒佳尤於南樓酷肖曾筆巢侍御藏有臨甌香紫薇小幀秀  
麗動人素心女史題七絕一首

蔣徽字琴香一字錦秋號石溪漁婦江西東鄉人吳嵩梁室工山  
水著琴香閣詩牋曾筆巢侍御藏有墨山水立幀蒼楚有致  
王素雲字雲仙湖北孝感人蕭道藩室工書著綠窗吟稿駢蘭閣  
藏有菩提葉書蠅頭楷詩冊嫁箱物也

許淑慧字定生江蘇青浦人鄭潮室工花卉出自家傳許樸齋太  
守藏有設色園景紙本立幀筆意雅秀惜張法太減耳

方若徽字仲惠安徽桐城人勤襄公女汪元炳室工詩畫篆刻一時名人印章多出其手鐫古肆見有篆書紙本小幀摹秦鏡銘二十八字時款二行頗似王良常

岳筠字綠春山西文水人吳嵩梁鑄室工畫蘭好吟詠瑛蘭坡中丞藏有蘭箭便面無款識鈐聽香館書記小印或卽其人歟

韓吉階字蘭修浙江山陰人賀長齡室工花卉鍾六英太僕藏有設色梅花絹本小幀亦覺雅緻

汪延慶字曉芸安徽歙縣人山水師文董王少廬司馬藏有設色雲山深遠圖小卷時款道光甲辰仿董尙書法筆意工整

徐寶篆字湘雯同邑李脩易室夫嬾娛情畫理尤工士女駢蘭閣藏有插菊士女絹本立幀頗有古法亦嫁箱物也

甌鉢羅室書畫過目攷

附卷

十一

金蕊字穗卿號竺香沈起鯨女查作舟室山水得父教工小楷著繡麟樓稿景劍泉閣學藏有設色山水紙本小冊八葉

顧蕙字婉芳號紈秋江蘇吳縣人翟繼昌女甥畫出其門工山水花卉潘鄭奩大司空藏有設色椿萱並壽圖紙本立幀無纖弱習儼然其舅氏所畫

陸蕙字璞卿同邑張澹繼室工詩畫得夫指授唱隨之樂一時稱羨古肆見有墨山水立幀僅鈐璞卿朱文印不若閩秀筆也

朱晚芳字蘭貞同邑葉恆室善臨摹古蹟寫生明豔得古法吳曉瞻司馬藏有絹本設色花卉小卷中有蜀葵一本尤爲娟妙

黃蘊生字蘭初江蘇華亭人馮有光室工花卉能詩著夕琴樓詩張子和比部藏有墨筆餘醺便面天真古淡

錢璞字壽之號蓮因江蘇昭文人張驥室花草師改琦著耦耕硯館小題襟館諸集景劍泉閣學藏有設色花卉紙本小冊筆意雅秀每葉驥題五絕一首余曾借觀鈐有過眼小印

張玉字子美江蘇吳縣人汪鏞繼室工行楷善作學篆書周苕農少司農藏有行書四行紙本大幀得平原魄力

焦氏字禮堂奉天蓋平人王履亨室工隸書詰嗣少廬司馬藏有臨漢鏡銘大幀意近桂馥古拙動人

鍾惠珠字心如同邑張熊室工梅竹花卉劉榕樓侍御藏有梅花立幀得羅聘意胡遠沈銛各題七絕一首張熊識語五行

項保艾字洛鈿浙江仁和人景梁曾子婦畫得翁傳少寡年八十猶以畫自給程仲立太守藏有設色九秋圖便面無款有印

歐鉢羅室書畫過目攷

附卷

三

焦學漪字銓雅號梅東弟子晚號九溪十八礪老婦景桓閣老人山東德州人程恭壽繼室工花卉年逾八十弄筆不倦余藏有蜀葵梔支立幀程恭壽題識四行惜暮年賦色較滯且多其孫輩書款藏其畫以有夫題爲佳製可傳也

歐鉢羅室書畫過目攷附卷終 駢蘭閣參攷男元振校字刊本

均丈擅名鑒賞形端性淡最篤友誼與先通奉公訂金石交結翰墨緣實深敬之此編積卅年眼福網羅繁富攷定精詳釐爲四卷藏諸行篋南至珠江北至遼海未輕示人長公桂橈離尹需次維揚瀕行鈔錄付小子任剗因循囊澁久之景星階師同存此願促償夙諾公諸同好今年秋桂橈寄貲以勞手民閱三月而書成校勘麓竟率附數言於後誌愧誌喜藉報桂橈之囑託並呈均丈聊或展帙開顏幸不唾以草草從事耳豈光緒丁酉陽生之月鐵嶺姻如姪濟斌謹識

甌鉢羅室書過目跋

跋

